




Broj: 01-50-1-177-13/24

Sarajevo, 18. 4. 2024.



PRIMLJENO: 23-05-2024			
Organizaciona jedinica	Klasifikaciona oznaka	Redni broj	

ZAPISNIK

13. hitne sjednice Predstavničkog doma Parlamentarne skupštine Bosne i Hercegovine, održane 18. 4. 2024.

Sjednica je počela u 12. 20 sati. Prisustvovalo je 37 poslanika.

Odsustvovali su: Saša Magazinović, Sabina Ćudić, Obren Petrović, Nenad Grković i Branislav Borenović.

Sjednici je prisustvovao ministar pravde BiH Davor Bunoza i zamjenik ministra finansija i trezora BiH Muhamed Hasanović, zamjenik ministra pravde BiH Elvir Mahmužić, te predstavnici Ministarstva finansija i trezora BiH, Ministarstva pravde BiH i Ministarstva za ljudska prava i izbjeglice BiH.

Sjednici su prisustvovali predstavnici OSCE-a i Vijeća Evrope.

Predsjedavajući je konstatirao da 13. hitna sjednica Predstavničkog doma ima sljedeći

DNEVNI RED

1. Razmatranje aktuelne političke situacije u institucijama Bosne i Hercegovine – ustavna zakonodavna uloga Parlamentarne skupštine BiH u skladu s članom IV. 4.a) Ustava BiH, predlagač: poslanici Sanja Vulić, Obren Petrović, Ljubica Miljanović, Milorad Kojić, Milan Petković, Miroslav Vujičić i Čedomir Stojanović, broj: 01-50-1-779/24 od 11. 4. 2024.

- Ad. 1. Razmatranje aktuelne političke situacije u institucijama Bosne i Hercegovine – ustavna zakonodavna uloga Parlamentarne skupštine BiH u skladu s članom IV. 4.a) Ustava BiH, predlagač: poslanici Sanja Vulić, Obren Petrović, Ljubica Miljanović, Milorad Kojić, Milan Petković, Miroslav Vujičić i Čedomir Stojanović, broj: 01-50-1-779/24 od 11. 4. 2024.**

Predsjedavajući je dao uvodne napomene.

Sanja Vulić obrazložila je tačku dnevnog reda i zaključke koje su predlagači podnijeli u okviru ove tačke.

U raspravi su učestvovali: Nihad Omerović, Safet Kešo, Denis Zvizdić, Milorad Kojić, Šemsudin Mehmedović, Jasmin Emrić, Mia Karamehić-Abazović, Miroslav Vujičić, Zlatan Begić, Darko Babalj, Albin Muslić, Edin Ramić, Midhat Čaušević, Jasmin Imamović i Predrag Kožul.

U raspravi su zaključke predložili: Sanja Vulić u ime predlagača tačke, Jasmin Emrić, Šemsudin Mehmedović i Predrag Kožul.

Zaključci koje je predložila Sanja Vulić u ime predlagača tačke nisu usvojeni – „za“ je glasalo sedam poslanika (iz Republike Srpske), „protiv“ 22, „suzdržana“ četiri. Prijedlog zaključaka glasi:

1. Predstavnički dom proglašava ništavnim, nedozvoljenim i pravno neobavezujućim odluke Christiana Schmidta i obavezuje institucije Bosne i Hercegovine da ih ne primjenjuju.
2. Predstavnički dom podsjeća da je Ustavom Parlamentarna skupština BiH jedini organ koji donosi zakone na nivou Bosne i Hercegovine, koje objavljuje u „Službenom glasniku BiH“ te da nijedna druga publikacija ili internetska stranica nisu službena glasila Parlamentarne skupštine BiH i ne mogu se smatrati izvorom objave i stupanja na snagu zakona.
3. Predstavnički dom zahtijeva od JPNIO Službeni list Bosne i Hercegovine kao izdavača „Službenog glasnika BiH“ da u njemu objavljuje samo akte institucija Bosne i Hercegovine potpisane, ovjerene i dostavljene od institucija.
4. Predstavnički dom zahtijeva da Vijeće ministara BiH hitno i bez odgađanja u parlamentarnu proceduru dostavi Prijedlog zakona o izmjenama i dopunama Izbornog zakona u kojem će obuhvatiti poboljšanja integriteta izbornog procesa i sastav, nadležnost i način izbora Centralne izborne komisije BiH.
5. Predstavnički dom iskazuje opredijeljenost za otvaranje procesa pregovaranja s Evropskom unijom te poziva Vijeće ministara BiH da bez odgađanja preduzme sve mjere iz svoje nadležnosti, a uvažavajući mehanizam koordinacije, za ubrzanje evropskog puta Bosne i Hercegovine.
6. Predstavnički dom donosi zaključke 1 - 5. opredijeljen za suverenitet, teritorijalni integritet i političku nezavisnost Bosne i Hercegovine u skladu s međunarodnim pravom kao demokratske države koja funkcioniše u skladu sa zakonom i na osnovu slobodnih i demokratskih izbora.
7. Predstavnički dom Parlamentarne skupštine BiH konstatira da je sistem vanjske politike u potpunosti urušen kroz nepoštivanje ustavnih nadležnosti u sistemu usaglašenosti stava prilikom iznošenja stavova u ime Bosne i Hercegovine i nastupa u međunarodnim organizacijama.
8. Predstavnički dom Parlamentarne skupštine BiH zadužuje ministra vanjskih poslova BiH da, prilikom odlučivanja o statusu Kosova i Metohije u Ministarskom vijeću Vijeća Evrope, poštuje stav BiH koji nedvosmisleno potvrđuje da BiH nije priznala status nezavisnog Kosova.

9. Predstavnički dom poziva i predlaže da Dom naroda zaključke od 1. do 8. razmotri i usvoji u istom tekstu kako bi isti postali zaključci Parlamentarne skupštine BiH.
10. Zaključci stupaju na snagu danom donošenja i odmah se objavljuju u „Službenom glasniku BiH“ i dostavljaju Vijeću ministara BiH i Domu naroda.

„Za“ prvi prijedlog zaključka Jasmina Emrića glasao je 21 poslanik (iz Federacije BiH 20, iz Republike Srpske jedan), „protiv“ deset, „suzdržana“ dva. Predsjedavajući je konstatirao da nema potrebne entitetske većine u prvom krugu glasanja i da će Kolegij Doma kao komisija obaviti naknadno usaglašavanje o prvom prijedlogu zaključka Jasmina Emrića. Prijedlog zaključka glasi:

„Uzimajući u obzir cjelokupne aktivnosti u organizaciji 11. i 12. posebne sjednice Narodne skupštine Republike Srpske radi sprečavanja primjene, provođenja i izvršavanja odluke visokog predstavnika za Bosnu i Hercegovinu, Predstavnički dom Parlamentarne skupštine BiH poziva Tužilaštvo BiH da, na osnovu člana 203a. 'Neizvršavanje odluka visokog predstavnika' Krivičnog zakona Bosne i Hercegovine, hitno djeluje u skladu sa svojim nadležnostima, jer je očigledno da postoji osnovana sumnja da predsjednik Republike Srpske Milorad Dodik, udruženo s drugim službenim osobama tog entiteta, ne poštuje i sprečava provođenje odluke kojom se donosi Zakon o izmjenama i dopunama Izbornog zakona Bosne i Hercegovine, a koju je donio visoki predstavnik Christian Schmidt 26. marta 2024. godine.“

„Za“ drugi prijedlog zaključka Jasmina Emrića glasala su 22 poslanika (iz Federacije BiH 21, iz Republike Srpske jedan), „protiv“ 11, „suzdržanih“ nije bilo. Predsjedavajući je konstatirao da nema potrebne entitetske većine u prvom krugu glasanja i da će Kolegij Doma kao komisija obaviti naknadno usaglašavanje o drugom prijedlogu zaključka Jasmina Emrića. Prijedlog zaključka glasi:

„Predstavnički dom Parlamentarne skupštine BiH poziva Tužilaštvo BiH da pokrene postupak utvrđivanja odgovornosti zbog osnovane sumnje da je predsjednik SNSD-a i entiteta Republika Srpska Milorad Dodik 17. 4. 2024. javno, na konferenciji za medije u Administrativnom centru Vlade Republike Srpske u Istočnom Sarajevu, negirao genocid u Srebrenici te na taj način počinio krivično djelo.“

„Za“ treći prijedlog zaključka Jasmina Emrića glasalo je 16 poslanika (iz Federacije BiH), „protiv“ 11, „suzdržanih“ šest. Predsjedavajući je konstatirao da nema potrebne entitetske većine u prvom krugu glasanja i da će Kolegij Doma kao komisija obaviti naknadno usaglašavanje o trećem prijedlogu zaključka Jasmina Emrića. Prijedlog zaključka glasi:

„S obzirom na sve češće otvoreno i direktno miješanje predsjednika Republike Srbije Aleksandra Vučića u unutrašnja politička pitanja Bosne i Hercegovine, Predstavnički dom Parlamentarne skupštine BiH poziva države svjedoke Općeg okvirnog sporazuma za mir u Bosni i Hercegovini da upozore Republiku Srbiju na neprihvatljivost narušavanja političke nezavisnosti Bosne i Hercegovine te da preduzmu konkretne aktivnosti i sankcije radi sprečavanja predsjednika Republike Srpske Milorada Dodika u bahatom i nerazumnom

političkom divljanju kojim najavljuje secesiju i osamostaljenje bosanskohercegovačkog entiteta Republika srpska, ugrožavajući na taj način i regionalni mir, stabilnost i sigurnost.“

„Za“ prijedlog zaključaka Šemsudina Mehmedovića glasalo je 18 poslanika (iz Federacije BiH), „protiv“ deset, „suzdržanih“ pet. Predsjedavajući je konstatirao da nema potrebne entitetske većine u prvom krugu glasanja i da će Kolegij Doma kao komisija obaviti naknadno usaglašavanje o prijedlogu zaključaka Šemsudina Mehmedovića. Prijedlog zaključaka glasi:

1. „Predlažem da nadležne institucije Bosne i Hercegovine upute protest Srbiji zbog istupa predsjednika Srbije Aleksandra Vučića te da povuku ambasadora Bosne i Hercegovine iz Beograda sve dok Vučić jasno ne uskrati podršku Dodikovoј namjeri da sruši *Dejton* i nastavi s aktivnostima odvajanja Republike Srpske.
2. Također, tražim da Ministarstvo vanjskih poslova BiH zatraži od Srbije da Vučić povuče uvrede koje je iznio na račun Denisa Bećirovića, člana Predsjedništva BiH, te da se izvini zbog toga.
3. Tražim da ova Parlamentarna skupština BiH zatraži od pravosudnih institucija BiH da štite zakone i Ustav te procesuiraju sve one koji ih krše preduzimajući nezakonite i neustavne korake kojima se blokira ili onemogućava rad institucija Bosne i Hercegovine.
4. Ako bilo ko od poslanika svjesno i kontinuirano odbije da dolazi na sjednice, predlažem da im se uskrate sva primanja iz budžeta Bosne i Hercegovine te da se procesuiraju za zloupotrebu položaja i nesavjestan rad.“


Zaključak koji je predložio Predrag Kožul nije usvojen – „za“ je glasalo 13 poslanika (iz Federacije BiH), „protiv“ 13, „suzdržanih“ sedam. Prijedlog zaključka glasi:

„Predstavnički dom Parlamentarne skupštine BiH obavezuje Vijeće ministara BiH da hitno, a najkasnije u roku od sedam dana, u parlamentarnu proceduru uputi Prijedlog zakona o izmjenama i dopunama Izbornog zakona BiH.“

Sjednica je završena u 16 sati.

Sastavni dio Zapisnika je transkript 13. hitne sjednice Predstavničkog doma.

SEKRETAR
PREDSTAVNIČKOG DOMA

Marin Vukoja


PREDSJEDAVAJUĆI
PREDSTAVNIČKOG DOMA
Nebojša Radmanović

